

Արմավիրի մարզպետ Դավիթ Խուդաթյանի ուղերձն Ուսուցչի տոնի առթիվ

05.10.2024

Սիրելի՛ ուսուցիչներ,

Շնորհավորում եմ ձեզ Ուսուցչի տոնի կապակցությամբ: Այս օրն առիթ է հերթական անգամ արտահայտելու մեր անկեղծ գնահատանքն ու հիացմունքը ձեր անմնացորդ աշխատանքի և նվիրումի համար:

Ձեր ջանքերն ու նվիրվածությունը ոչ միայն ձևավորում են մեր քաղաքացիների գիտելիքներն ու զարգացնում կարողություններն, այլև կերտում են նրանց՝ որպես մտածող, ստեղծարար, խոհեմ, հայրենասեր անձնավորություններ:

Դուք ոչ միայն գիտելիքներ եք փոխանցում, այլև ձևավորում եք աշակերտների աշխարհայացքը, օգնում եք նրանց հավատալ իրենց ուժերին և գնալ երազանքների հետևից:

Դուք ոգեշնչում, առաջնորդում եք նրանց, ովքեր կերտելու են մեր վաղվա օրը՝ զարգացնելով և հզորացնելով Հայաստանի Հանրապետությունը:

Հարգելի՛ ուսուցիչներ, մշտապես ձգտե՛ք կատարելագործման, մասնագիտական որակների զարգացման. դուք ապագայի կերտման առաջամարտիկներն եք:

Շնորհակալ եմ ձեզ այդ դժվար ու պատվավոր առաքելությունը կատարելու համար:

Մաղթում եմ ձեզ առողջություն, նորանոր հաջողություններ, անսպառ էներգիա և ուժ՝ շարունակելու ձեր կարևոր գործը: